

KBC THUSO

TOLBOL / JANUARY 2023

Regd. No. 19134/88
<https://www.kbc.org.in> NAI/220/99
No-G4/Regd. Magazine/
KBCThuso/MNP-81

KUM
62
Ihinna
So517

HAPPY NEW YEAR



2023

Kigontohphat

Upcoming events

KBC General Assembly - 24-27
MBC Day of Prayer - 05
Farmer's Day/February - 12

"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"

John 17:11

GOLDEN ASSEMBLY **WOMEN**



GOLDEN ASSEMBLY **YOUTH**



42nd ANNUAL ASSEMBLY **MEN**



CONTENTS

THUMAKAI HO

KUMTHAH LE KUKITE/ <i>Editorial</i>	1
AMANG TALOU DING AHINNA THU/ <i>Pretty Lhingneilam</i>	3
TAHSANNA HINKHO/ <i>Rev. Onkho Haokip</i>	6
MISSION REPORT	7
MEN DEPARTMENT REPORT	10
Women Column	14
YOUTH DEPARTMENT	16
LITERATURE & PUBLICATION	20
Office Diary	21
Gambih Diary & Reports	22

EDITORIAL BOARD

Chairman : Rev. Tonglet Haokip, President KBC
Editor : Dr. M. Thongkhosei Haokip, General Secretary
Joint Editor : Rev. Lunkhosei Tuboi
Contributing Editors: 1. Rev. Thongkholun Touthang
2. Rev. Lamkeng Lhouvum
3. Rev. Tongmang Haokip
4. Ms. Tingneilhing Kipgen
5. Rev. T. Thangkhosei Haokip

Design & Layout - Hemkholen Haokip
Circular Manager - Ms. Vahboi Baite
Recorder Ms. Vahnunnem Haokip

THUSO LAHMAN

Church/Organisation/Department : Rs. 300/-
Individual : Rs. 200/- (Post a Rs. 250/-)
Indian Overseas Bank, Imphal Branch
A/C No. 073201000000350 IFSC No. IOBA0000732

The General Secretary,
Kuki Baptist Convention,
Opp. D.M. College, Imphal 795001, Manipur
email: kbcindia@rediffmail.com

Advertisement bolnom hon Mobile No 8414919588
Circulation to kisai lam Mobile No. 8119030725 bolding



KUMTHAH LE KUKITE

EDITORIAL

Pakai jenga kingaiyin thilpha bolin, chutileh gamsunga chengin natin lungmonga naum ding ahi.

Pakaiyah kipah thanomin chutileh Aman nalungthima nadei chan napeh ding ahi"
(Psalms 37:3,4)

Thumakai:

Amasatah in muntina um Kuki Christian chate jouse ahideh a KBC member ho jouse chung-a i Pakaiyu Jesu Christa minin Kumthah sa-laam kahinpe cheh uve. Tulha thupi chu "Kiguontohna Phat" kiti ahin, toh kilhonin, hiche thudol ah chomcha ana kihoulim u hite.

Manipur gamsunga Kukite dinga issue le challenges tampi itoh tauvin, hicheho lah a namdang toh kisaina themkhat umjong le ahideh a phaitola cheng Meilheite toh ikikah uva anukhahpen le tutua miho kihoulimna pen chu Kuki ten Anglo-Kuki War kum jakhat (centenary) geldoh jing nadia C. Aisan mun a songpi inatun uleh ikhelu toh kilhona Manipur government in Lamka jotna a Anglo-Kuki War Centenary Memorial Gate leh Southern Gospel Centenary gate kitiho lahdohna ding hukum (order) ahung um hi ahiye. Hiche hin Kukite natoh thilbol banneicha a hung kiphe tobang ahitai. Ipi jeh a hitobang thilsloh umthei



ham? Akhatna ah, Pathen thempu khat in Pathen mina Song atun chu ama dohna leh kihoutohna beiya akihetsah hon alahdoh jeh u hinte. Pathen min kipatna koibol hijong leh chihthei ngai ahi. Government leh Meilheite ngoh ding ahipoi, eimaho kingoh joh ding ahi.

Meilheite houbuh bol lhima ham accident a hama kihallhah peh hin alungthimu asuna l'eh tan, bollou lou ding jong ahinbol doh thei diuvin jong ginmo ahitai. Hiche thil neocha ho khat hin nam khat le namkhat kitimatna (relationship) ahin kahset theiyin aumjin, Kuki-Naga gal kipat til a koiham khat in War declare abol bep chu hung hithei ding dinmuna umtheiyin akilange. Phatah a ivet leh hitia kani lei kibol lou hile Meilheiten government mangcha in hitobangin thanopna le khut thil lutna ahinnei nadem ti hi ahi. Hiche toh kisaiyin tuhin Kuki haosa phabep government in aman tauvin, kimkhat jong mat dinga ahol jing laiye ahi.

Kumthah ahunghi toh kilhonna kiguontohna phat hung hikitji ahitai. Chunga kisun Bible in kiguontohna akhoh je dan eihilun ahi. Hichena dinga Kumbul ahitoh kilhonin, achesa a Pathenin eima pui jaaluva Ama thangvahna ana peu hite. Tukuma dinggin ihinkhou Pathenin athah a eiman cheh theina dingun thengselin kipedoh u hitin, tunichanna thilpha bolna lama midanghon eihet louvu thilpha bolna dingin ngaitona anapeu hite. Kiguontohna hi Christian te chondan phatah khat chu ahi. Chutobanga mite a dinga phatthei channa dinga ikiguontoh thei tengu leh Pathen jong kipah in tin, eimahokah a kingailutna leh kipumkhatna pungin te. Lunglut tah a sim jouse chung a Pathen vangpeh chang ta hen.





AMANG TALOU DING AHINNA THU KIPUI HOI SAH UHITE:

Matt 24:35

- Pretty Lhingneilam
Children Director, KBC

SERMON/ARTICLE

Na hinkho ipi naki puihoi sah em? Khenkhat dingin ngailutna hintin khenkhat dingin thilpha bol jong hinante. Mihem in ikipui-hoisah ding thil tampi lah a lutah khatchu ahingjing Pathen thu hi ahi.

Thilpha bol hihen ngailutna hileh Pathen thu in ei lamkai a eipui-hoi louteng itohdoh dingho jolel na, chim na, phunchel na asoh doh jin, achaina leh phatthei ichan dijouse ei akon ajam mang jitai.

Hijeh chun Pathen Thu chutoh nisim a kikhen loua, asun ajan a igel jinga ilungthim a iki-houlimpi sah jing loua ahileh eidinga kpalna, hatmona, tohchimna, lheplahna, din-joulouna leh Pathen akon vamangna in apang kha ji.

Pathen na itoh nauva kiseimo valjeh a Bible sim man loua iumkhah tah uvem? Simkhah louna asottah jeh a simngap loua naum khah tah em? Nikhat hi kanatohna mun a lekha jihna ding pen kaneitah loujeh in pam langa pen kichoh din kaga pot in ahi. Pen kachoh tolhon chun lekhabu kijoh ho chu kavele len ahileh aning langkhata chun lekhabu neocha kamit latah khat kahin mui. Hichun ajohpa kom chun

aman kadongin ahileh manbai a kipejiho ahi manbai in kichoitan atitai. Chuin kenjong kipahtah in kahin kichoi in, sim ding kal ngah lel pum in inn kalhun in ka chanu kaimut sah pumchun kasimtai.

Hiche lekhabu chu koimadang ahipon Mary Jones kitinu thusim ahin ahi. 1784 kum in Mary Jones kiti numei chapangnu hi Wales gama ponkhongmi insunga kon ana pengin ahi. Chapang cha a penthah na aneia pat in Pathen thua lunglutna ahin nei in ahi. Hinlah hiche phatlai chun Wales gama hin Bible kitih mi haosa hobou in ana neijou in, mihaosa hobou in lekha jem jong anasim thei uvin ahi. Mary Jones vang anu apa lekha sim lou migenthei tah ahijeh in Bible ana kichoh jou

tapoi. Vangphat pin Thomas Charles kiti pasal khat in lekha jemahin hil in, hicheva kon chun Bible neiding hi alunga ahagot chehtan ahi. Alungput, athanopna, atup le adoi chu anu le apan amuphat in amol-so tei nadin akithopi lhon tan, Mary Jones adin siki makhai akholpeh lhon in, Mary Jones amatah in jong gancha avah in, ahtui aga johjin, pon akhongin themcha amuhō chu akhol pantai.

Hinlah iti akhol vangin Bible chohnading kham alhing jou mong mong tapoi. Akigel phakit in, ka tup ka molso tokah a kum ijat lut jongleh sum khol hi kangah louding ahi atitai. Hichun tin le ha tho in pan ala kit in ahileh kum 6 jouvin Bible chohna di kham ahin khol dohtai. Hichun akilhin jep kit loujeh chun angailu cheng aloi apai le anu apa in sum ahap-be pehkit uvin ahileh alhingtai. Sum akilhin vangin Bible kijoh nachu nailam cha ahitapoi. Mary Jones chenna apat kilometre 42 a gamlha khokhat a bou chun anaipen in Bible kijohdin ginchat ahitai. Amun agamlhat vangchun kenglam tailouvin chenading dang ane-itapoi. Anu apan phaten taona aman peh lhon in, imajouse Pathen khuta angap lhon in, jingkah mapi tah in Bible choh nadin, kum15 nungah khang-

dong Mary Jones chu akipan dohtai. Gammang lah, vadung lah gucha michom umna mun damsela akhel jouvin khojin in kho chu alhungtai. Alhun lhun in Pastor khat inn ahol doh in, hichun ama inn achun apan sa in, ajing jingkah matah in Bible johdinga koiiji Thomas Charles kitipa kom chu ajon lhontai.

Kipah thanom tah a Thomas Charles kom alhun lhon phatchun Thomas Charles in jong Mary Jones thusim chu ajan ahileh akipapi mama jengin ahi. Hinlah Bible jouse chu anakijoh chai mantan ahi. Mary Jones lungthim keh puma aumlai tah in Thomas Charles chun aseikit in, “ahiloule kaloi-khat adinga Bible kakoi dohsa aumin hichu nakilah thei ahi” atitai. Mary Jones kipana alen lkeh tai. A inn lam Kilometre 42 chu asao lam heman louvin a op a Bible akichoh thah lihlih chu akisip lhung kei in, damsel le kipahthanom tah in inn alhungtai. Hiche thusim hin Thomas Charles lungthim atong kha lkeh jengtai. Hijeh chun pan hatah in ala in, Europe gam le mun dang dang Mary Jones tobang mihem tamtah Bible changjoulou, simjoulou ho gelnan Britain gamleh Foreign gama Bible Society ahin phutdoh in ahi. Hitichun

akithe jal in tutun vannot leiset a Bible Society 150 aumin, manbeitah le eima eima pao a muthei le simthei dinga agot jing lai u ahi.

Iti vangpha a vangpha ihu hitam! Numei chapang khat Pathen ngailutna leh ahinna thu hetnom jeh a vannot a mi-hem simsen lou in eima khut-tah a Pathen lekhabu theng kikichoi theita! Simngap lou, sim man louna ineiteng asim joulou, asim theilouho geldoh jiu hite. Vannot leiset kichai in tin, ahshi ho pul intin, thilsem

jouse mang hen lang hijongleh Pathen leh ahinna thu vang umjing ding ahi. Amang theilou ahinna thu lekhabua kisun lut chu na lekhabu koina a apden dingin alompoi, thih thenglou a vutvai in atom dingin apa-mai in, phohkeh manlouva ihin khou abei man khah ding hi vangset umtah ahi. Dingdoh kit uhitin, lungthim thah keng kit uhitin, kisuhah uhitin ahinna thu sim phong kit a, kitahtah a jui a, kipui hoisah cheh dingin Pathen in damna, hiselna phat-thei chamkimeipe taohen!



KBC Audit Chai ja umta



Achesa Nisim 10-14 January 2023 nichan na dia KBC sung'a sum le pai vetchil na chu ana kineijin feltah le lolhing tah in KBC Auditor hon jong pan alao vin achung'uvah kipa thu ahung kiphong in ahi. Phalbi dap laitah a hitabang'a kiphah na nei le gunchu tah a pan la Auditor ho chung'a jong kipa thu iphong uve. Pathen in Agam'a ding le KBC ikiloi khom nao va din mangcha jing taohen.



TAHSANNA HINKHO

*Rev. Onkho Haokip,
Pastor, Central Church Neihsial Veng, KBC Gambih No. 9*

SERMON/ARTICLE

"Tahsan hi kinepna thilho hetchetna, mu lou thil aum mong e, ti photchetna ahi."

-Hebrews11:1

Ngailutna in thil ijakai anopsah bang in tahsanna in thil ijakai ahitheisah e. Tahsanna hinkho kiti hi nopsahna ding ahapon am-avang hinkhoa angaicha khoh pen khat ahi. Tahsanna hinkho hi lamkai lubohho ding bou ahapon mijouse in anei tei ding thil chu ahi.

Pathen houkhomna a tahsanna apan tei angai in ahi. Natohna a tahsanna apan angai in ahi. Kinepna hinkho jong tahsanna apan angai in ahi. Taona manna a tahsan apan angai in ahi Tahsanna in jachat ahepoi – Gentile numei achanu damna ding a hung thumnu chun tahsan jeh chun jachat ahe tapoi. Tahsanna in chi le nam akhen jou poi – Gentile numei achanu damna ding

a hung thumnu chun chi le nam kikhenna akhokhel in ahi.

Tahsanna hinkho dihtah chu sottah ache in ahi. Tahsan kiti hi Pathen in aseiho eima hinkhoa natoh dohna hinkho kimudoh chu ahi. Tahsan kiti hi Pathen a ikingaijeh'a Ama thua nunjoura hinkho chu ahi. Tahsan dihtah neiho chun Pathen a ding in thil abol un Pathen in jong amaho ding in na atong in ahi.

Christa tahsanna jal in lhagao huhhingna ichang thei un ahi. Hiche Christa itahsannau chun vannoi hi ajo ahi. Christiante hi mi muding maimai a lamjot ding hilouvin tahsanna hinkho a lamjot ding ihiuvin ahi.

Tahsanna pang lou a kibol jouse hi chonset ahi. Pathen in tahsan um le tahsanna hinkho mang jing mipi hicheh ding in phatthei eiboh cheh tauhen!

Bible a thu kisun jouse jong tahsan jal in akipom in ahi.





MISSION REPORT

*Rev. Lamkeng Lhouvum,
Mission Secretary*

Mission Column

Thummakai:

Pathen vangboh na chan'a kum thah 2023 lemtheija ium jeh un Pa Pathen thangvah in um hen chuleh tunia KBC Thuso hin sim jouse kangailutna kumthah chibai kahin peuvn ahi. Kumlui mangta nile lha kum kiheita, tunin Huhingpa ahunge vanghom din tia vahchoila isah jing bangun kumthah loupi tahimui thei jeh un Pathen thangvah cheh u hite.

1.Kipa Thuphon.

Pathen lungset in KBC kivai homna Mission na itoh nao kum lhung keiya ihung galkai thei jallun Pathen thangvah in um hen. Kum sunga toh gon, Sum lepai ho akah lah Houbung alhingllep jep um jong leh atamjo in apeh dia lo mho Pakai natoh na ding'a ahin peh doh thei jeh un Pathen thangvah in um hen. Chuleh Missionary ho jong ama ama mun cheh a gunchu tah'a Pakai na atoh nao aki mu jingin ikipajh in Pathen in kumthanh jong leh mangcha jom jing taohen.

2. Elijah Prayer Mol'a natohna ho:

Elijah Prayer Mountain Gothol mun'a Main Sanctuary kisa jong achung akihudoh in Ligth feet akibol doh in, chuleh Celling chan akisem doh thei tan Pathen thangvah in um hen. Chuleh asung'a agam umdan levelling kiboltoh ho leh Thingkeh athah kiphut ho jong apah thei soh keijin kipa aum l'heh jengin ahi. Pathen in pha asah leh 2023 kum'a toh jo a aum tei ding ikinemun ahi.

3. Advance Christmas kimang ta

Achesa 10th December 2022 nikho chun KBC Centre Church Langol mun'a Missionarie ho, Evangelist ho chuleh Individual sponsored bodies ho kipah leh thanomin Advance Christmas akimang khomin anom l'ha jengin ahi. Hiche nikho hin Rev S Prim Vaiphei Sppeaker in apangin kitil khou aum l'heh jengin ahi. Rev Dr. Thangboi Chongloi, tilkhouna thuseijin apangin anom l'heh jengin ahi.

4. Mission Field Visit kibol:

Achesa nisim 12-17th November 2022 sunga Pathen leng gam na itoh nao KBC Mission Field Punjab, UP chuleh Delhi ho Mis-



sion Board hon vil lhahna akineitan ahi. Rev Amit Sandel, Rev Onjang Haokip chuleh Rev Letlal Haokip hot oh kiman chah khomna akineiijin ahi. Chuleh Field visit kibol toh kilhonin Mission natos machal be na dingin mit ha dohna tampi akimun Pathen thang vah in um hen.

5. Missionary Quarter thah thenso hita.

Achesa nisim 7-9th December 2022 sung'a Arunachal Pradesh Mission Field 20mile mun'a Missionary Quarter kisa chu Pathen lungset in Nisim 8th December 2022 nikhon Rev Lamkeng Lhouvum Mission Secretary in Pa Pathen, Chapa Pathen chuleh Lhagao Theng Pathen minin lhan dohna aneitai. Hitobang Quarters ho sah doh'a aum thei jeh in Pathen thangvah in um hen.

6. Mission Box a kum sunga Sum tamkoi doh ho:

1. Pu Seizalal Khongsai & Family KBC Centre Church Molnoi Area ten Pathen lungset in Pakai kuim 2022 sung dingin Mission Box a Rs. 6,06,510 akoidoh jouvun KBC Houbung sunga dia asangpen ahitai.
2. Pu Christopher Doungel & Family ten jong Rs. 4.35, 500 akoidoh uvin amah o 2nd ahitai.
3. Pu Jamkhomang Haokip Centre Church Molnoi Area amah o family in Rs. 2,15, 510 akoidoh uvin amah o hi 3rd ahitaovin ahi.



Pathen lungsetna hitobang'a Pakaiya dia thil peh lam'a gunchu tah'a pang jing thei sopite ho jallin Pathen thangvah in um taken.

Keikol Baptist Church KBC Meitei Mission field Siver Jubilee

Keikol Baptist Church KBC Meitei Mission field Siver Jubilee,
Minister Rev Dr. M Thongkhosei Haokip General Secretary KBC
On 2/12/2022



Missionary Quarter Thensona Bismil Arunachal Pradesh on
8/12/2022 Minister Rev. Lamkeng Lhouvum Mission Secretary
KBC



Thuchaina:

KBC Pathen natohna Mission natoh machal jing hen lang kum thah 2023 sunga jong hiche ho sanga hoicheh dingin Pathen in ma eipui jing tao hen.

MEN DEPARTMENT REPORT

Rev. Tongmang Haokip
Men Department Secretary

Men Column

Pakai lenggamma katohkhompi Houbung mite jousele Pate jouse naronun chule hiche thuso simjoue jong pakai min in Salam kahin peouwe. Convention Men Department jong tuni chan geija natoh amachal jinga report petheija kaumjeh in Pathen kathangvahe.

(1) Kumsunga Pate tohgong Gambih Wise Pate Revival Camp bolding anakiti chu pathen lungsetna jalin Gambih NO.15 Centre Church Haolenphai (Moreh Area) muna achesa Dt 10 ---14th October 2022 sungin athumve channale tukumma dinga achaina anakibolin Speakers (1) Rev Onkho Haokip (2) Rev. Tongmang Haokip Secretary Men Department (3) Camp Director Rev.Mangkholen Kipgen (4) Artiste Ng Lhingneichong Haokip ahi. Gambih sunga Pate thanom tahin ahung pangun mipilhinsel cheh Pate Camper mi 172 (jakhatle som-sagileni) ahungpangun Camp lolhingtah in anakichaije . Hiche Camp machun kum 70 (somsagi) chunglang pate ahung pangho chungga jong atumbek in kipathu akiseije amahochu:- (1). Pu St Hemlun kum 78 (2) Pu Lhunkhothang kum 77 (3) Pu Thangkholun kum 77 (4) Pu Thongkhongam Haokip kum 72 chule Camper laha akum lhompem Pa Thanglenlal kum 20ahi. Pate Campma hungjouse chungcheh kiapa thu akiseijin ahideh in kum 70(somsagi) chunglang Pate hung hojouse chungga kipathu a kiphonge chule kipana jalin Envelop neochacha jong anakipevin ahi.

(2) Hiche Pate Camp lolhina dinga pathen minna panhinlaho:-

1. Pu Thangpao Haokip MBC Rs 15,000.
2. Pu Thangminlen Misao Zion Veng Angchng kg 320
3. Pi Lalam Haokip C/C Haolenphai Angchang Kg 50
4. Pi Nengboi Khonomphai Housapi Chi, Malcha, Ai-eng.
5. Pu Paoneo Haokip MBC Suger & Everyday
6. Pu Letminthang Haokip C/CHaolenphai Mineral Water
7. Pu Paothang Haokip MBC Speaker ho donding nehding.

Pate Camp lolhinna dinga anei agou hintohdoh hojouse chungga kipa-
thu ahung kiphonge pathen in phatthei boh soh keitao hen, chule Camp
sunga jingkah nilhah a nehding donding meisa tuisa nisa noija hahsa
lhev jongle pakai minna phatecha eigon tuppehu Khonei Houbung
mite chungga jong kipa thu sangtah in kahin phonge pathen atohgim-
naova kon in



(3) 42nd Men Department Assembly & Gambih NO.18 Karbi Anglong(Assam) Khompi Sponsored kibolpeh:-

(a) Achesa Dt 6---9/12/2022 sungin Khoding Baptist Church Gambih NO.18 Karbi Aglog (Assam) munna Convention Men Depatment 42nd Assembly anakibol in Assembly Member Manipur a kon mi 165 (jakhatle nga) a akichen Pathen lungsetna jalin lolhingtahin Assem-bly akichaijin ahi.

Election kum ahitoh kilhon in Election anakibol in anoiija changhi 2023—2024 sunga dingin pathen le Assembly phatsah in lhendoh ahi-taove.

- 1.Pu Seikhohao Vaihei President
2. Pu Kaikholim Haolai Vice-President
- 3.Pu Thongkholal Haokip Recorder
4. Pu Donghen Haokip Member

(b) Gambih NO.18 Khompi Sponsored Kibolpeh:-

Achesa Dt 8—9 12/2022 sung Gambih NO.18 Karbi Anglong(Assam) Ibolla Convention Men Department in Gambih khompi Sponsored kibolpeh ham? ajeh chu amahohi outside Manipur (State chom) gam-hahsa ahijehuva chule amahohi Manipur a thil kiboljongle mitamtah hungjoulou chule eiho jong amaholang mitamtah kimohche theilou ahijeha ngailutna sangpenna kigella Men Department Assembly toh kikopma amaho Gambih khompi sponsored kibolpeh ahi. Khompi mangdingin Manipura kon in mi 221 (janile somnile khat) akikalsongin ahi.

Gambih Khompi Programe Co-Ordinator in Pastor Letjakai Singson Gambih Pastor le Pu Kaikholim Haolai Vice President Men Department KBC ana panglhon in Pu James Hmar Gambih Chairman khompi Chairman chule Gambiha atohkhompi changtoh amaho lamkainan khompi anakibole.

Rev. Thongkholun Touthang Finance Secretay KBC (former Gambih Pastor)in khompi thensonale hondohna anamangin ahi.

Khompi thupi:- **"Pakai Lampi semjangun"** Isaiah 40:3.

Khompi Speakers 1. Rev. Dr M.Thongkhosei Haokip Gereral Secretary
2. Rev. Dr Letkthothang Haokip Secretary Education
3. Rev. Tongmang Haokip Secretay Men Department chule Rev .Thongkholun Touthang Finance Secretary in jong phat khat eilahpe-hun amaho, changhi thuseijin anapanguvin pathen thu ngainom um-tahtah einasei pehuvin achunguva kipa thu akiseije.

Khompi sunga pathen vahchoina lasadingle lamkai dingin KBC Centre Choir akipuijin kaikhom jousen la lamkainale pathen vahchoinala ngeitah asovin achunguvakipathu sangtah in ahung kiphonge chule Artiste Ng Lhingneichong Haokip jong akipuijin kaikhom jousen pathen vahchoina la ngeitah asajing in achunga kipathu akiphonge. Gambih NO. 18 Choir hon jong kilom tah in kaikhomsehle pathen vahchoinala ngeitah asaovin vin achunguva kipathu sangtah in akiphonge.

Saijang CRC Church Choir honjong pathen vahvahchoina la ngeitah ahungsaovin achunguva kipathu akiphingin ahi. Ng Kikim Chongloi Haibung Baptist Church a kon le Gambih Houbung ho a kon in jong pathen vahchoina tamtah akingailhan ahi.

Dr Nengboi Haokip Sr.Specialist H/D Churachanpur in tahsa Damtheina dingle kivendingdan mipi hilna aneitoh kilhon in tahsa damlou mitahtah jongvetna aneiin ahi.

4. Gambih NO. 18 Khompi lolhinna dinga pan hinlaho:-

(a) Dr Vumkhoneh Haokip & Family Dr Thagjamang Haokip & Family chule Pi Chinkim Kipgen Langol Khompi sunga tahsa damlouhole



agam mite ngailutna jalin manchah ding Damdoi tamtah ahintohto- hun achungchehuva kipathu ahung kiphonge.

- | | |
|---|------------|
| (b) 1. Pu Paolam Haokip Chief Of Leplen Gambih No. 2 | Rs. 5,000 |
| 2. Pun Thanglen Mate C/C Chavangphai Gambih No. 15 | Rs. 10,000 |
| 3. Pu Thongmilun Haokip C/C Chavangphai g/NO. 15 | Rs 10,000 |
| 4. Pu Seitinthang Haokip S.Gelbung Gambih No. 11 | Rs 1,5000 |
| 5. Pu Pu Letzamang Haokip & Family MLA Henglep A/C | Rs 35.000 |
| 6. Pu Haokholet Kipgen & Family MLA Saitu Cont. | Rs 30.000 |
| 7. Leplen Houbung a konna changval konna agomma Angchang Kg 320 | |
| 8. Donsung Houbung Gambih NO.2 Anchang kithopinan Kg 150 | |



5. Lom Resource Centre :-

1.Lom Resource Centre munjong pathen lungsetna jalin akhang tou-jinge.Gancha kivahhole Thingphung, theiphung kiphut chule Kolchu kiphutho jong pathen lungsetna jalin akhang tou jin in, kolchu jong aki-joh pan tan ahi. Lampi Goajuhphat le Gari lutheiji lou chu Songbong Gari 7(sagi) akisungin lampi akisehoi betan ahi.

6.2022 Kumsunga natonga hungkon Gambihle Houbungho:-

1. Dt 17/3/22 C/C Slem Sapormeina Pate le nuteho.
- 2.Dt 20/7/22 Gambih NO.19 Pateho
3. Dt 18/8/22 Gambih NO. 2. Zalenbung Houbung Pateho.
4. Dt 25/8/22 Convention MWC & 4, 8 MWC agomma thakon.
5. Dt26/8/22 Gambih NO.23 MWC
6. Dt 10/9/22 Gambih NO. 5 Pateho.
7. Dt 20/9/22Gambih NO.5 Solam Baptist Church Pateho.

Lom Resource Centre muna natonga hungkon Gambi hole Houbunga Pateho jouse chung cheha Convention Men Department thalhengin kipathu kahinphonge pathen in atohnao chung chehuva phattheina thalhingset in vang bohsoh keitaohen chule koitabong amaho banka pakai minna Gambih hihenlang Houbunga Pate hijongle akonthei aumle lem ahijinge.



Licentiate anakibol



Mr Thangjakhup Touthang KWS Hyderabad Pastor ding in Convention Ordination Committee in L. Salempai Baptist Church Gambih No. 19 munna Licentiate akiboltai pathen in phatthei bohjing taken.



Women Column

Ms. Tingneilhing

Secretary, Women Department

Women Column

1. KBC Women Department Golden Jubilee Assembly:

KBC Nute kivaihom na lenpen Assembly 50 vei lhinna chu December 12-14, 2022 sung in Centre Church Molnoi Area mun a Pathen pan pina jal in lolhingtah in ana kibol in ahi. Gambih Houbunga lamkai cheh mi 650 vel ahung pang un ahi. Assembly Jubilee thupi in "Eiho din Pakai jin thil nasatah tah abol in ikipah taove" Ps. 126:3 akimang in ahi. Thupi sei jin Rev Dr M. Thongkhosei, Nu Nengkhovei Haokip, Nu Tinkholhing Haokip, Miss Tingneilhing Kipgen chuleh Pi Hatneilam Haokip apang un ahi. MBC Women Quadrennial Conference a mili lasah kitetna kipaman sang pen hung kipolut jong lopna akinei jin ahi. Golden Assembly Jubilee ahina toh lhon a jatchom jep



ma kibol doh item ho: (i) Jubilee Speaker in Rev Dr. M. Thongkhosei, General Secretary KBC akipan sah in ahi. (ii) Gambih jousen Labung khat cheh leh Uniform toh phatah in pan alacheh un ahi. (iii) Convention Level a Nute lamkai masa jouse akikou vin ngailut thilpeh neo cha cha jong akipen ahi. (iv) Souvenir Booklet khat jong Published akibol in ahi. (v) Mess lam ve sui ding in mun chom a athem tah khat akipan sah in ahi. (vi) Bong 2 leh Vohcha 2 akithat in ahi. (vii) Tahsa lam kisuh halna in Gambih jouse leh Convention Nute lamkai hon Volley Ball leh Foot Ball kichepna nom tah in ana kibol in ahi.

Hiche kin lolhin thei na dinga pan hin la mitam tah aum in adeh in Host eibol peh u Centre Church Molnoi Area Houbung Pastor pa leh lamkai ho chuleh Gambih NO. 16 Pastor pa Rev Thangkhomang ama ho jouse chung a atum beh in kipathu sangtah in akiphong in ahi.



2. Lydia Resource Centre a Ponkhong ding kihol:

2023-2024 kum 2 course a Lydia Resource Centre a ponkhon jilnom mi akihol in seat 4 bou onga ahi. Koitobang in ajilthei ding ham? Genthei hahsa, nao chaga ho preference kipeding, School kai jom jou talou nungah chapang chuleh Meithai jong hithei ding, Thanopna leh lunglutna nei mi hitei ding. Iti lut thei ding ham? LRC/KBC Office Application Form akilah ding, Gambih leh Houbung Pastor Recommendation chuleh Certified Doctor a kon a Medical fitness certificate anei ding. Form Submission January 29, 2023. Session kipat ni 30th January, 2023 lhunkim ding.

Miss Lhingboi Kipgen

Secretary, Women Department

Kuki Baptist Convention



CHRISTMAS 2022 & NEW YEAR 2023



Amasan muntin na um KBC Houbung mite ho jouse Kumthah chibai kahin pe cheh uve, Pathen mapui najallin ina galdot jing u Pakai Jesu Pen nikho loupe tah Christmas Program le ikinep pi jing u kumthah lhathah lem na chu ihin mang chai cheh tao vin Pathen l thangvah uve. Hiche phat sung'a KBC Workers ho adeh a Rev. Pastors ho le Evangelist Missionaries ho Pathen thu a ina kiman chah khom piu va ngailut na neitah le homtho umtah a nana lem nao le najen nao jallin Houbung mite ho jouse chung'a KBC Office a kon in kipa thu ahung kiphong in ahi. Pathen in kum 2023 sung'a jong hat tah le thilpha Pakai ja dia boldoh cheh din phatthei eiboh jing tao hen.



YOUTH DEPARTMENT

*Rev. Lunkhosei Tuboi,
Secretary, Youth Department, KBC*

Youth Column

KBC YOUTH ANNUAL ASSEMBLY- 2022 DAMSEL CHAN ANA KICHA TAI

Kangpokpi KBC Centre Church, KBC Gambih No.5 mun na 50th KBC Youth Department Annual Assembly chu achesa December 15-16 2022 nin gambih akon hung khom mi 147 Delegates pan nan lolhingtah in ana kineijin, ahin KBC No.10 le 19 vang ahung pang jou tapon ahi. Chule Youth Work Committee term lhin na ahito kilhon in Election akibollin noi-ja cheng hi 2023-2024 chan na Youth Work Committee a din lhen doh ahitao vin ahi.

1. **President** : Pa Thokhongam Haokip, Saivom Baptist Church KBC Gambih No. 16
2. **Vice President** : Gl. Seiminthang Haokip, Chassad Avenue Baptist Church KBC No.1
3. **Youth Recorder** : Pa M. Paokai Sitlhou, C/C Kangpokpi KBC Gambih No. 5
4. **Committee Member** : Pa Jangkholen Lupheng, C/ Church Tuibong KBC Gambih No. 8

50th GOLDEN YOUTH ASSEMBLY CELEBRATION | 1972-2022

1972 a ana kiphut doh KBC Youth Department kiloi khom na chu 2022 hin Kum 50 chu ahung lhing tah ahi, 50th Lhin na Youth Department Assembly ahito kilhon na melchih na song khat tun ding tia 49th Youth Department Assembly kilol na Resolution No. 1. (b) na a kiseibang in 50th Youth Annual Assembly songchu Gl. Haopu Singsit Youth Chairman KBC Gambih No. 5 in hongphal tah in ahin toh doh in, chule atundoh chan in jong mopoh



na akipen, aman jong hoitah le vetlom tah in ana sem chaijin hiche toh kilhon in KBC Centre Church Kangpokpi mun na Ni-sim 17/12/2022 nin Pu Rev. Dr. M. Thongkhosei Haokip, General Secretary KBC Minister hinan A Pa Acha Chule Lhagao Theng Pathen min in hon doh nale lhan doh na chu ana kinei tan ahi. Chule Pu Rev. Tonglet Haokip, President KBC, in Jubilee thudol le KBC Youth ho tilkhon na aneijin ahi. Hiche Program kigon na achun Former Youth President ho le Youth Secretaries ho jong ana kikou vin lolhing tah in Program ana kichai jin ahi.

KBC BIBLE QUEST 2022 | Inter-Denomination

Pathen lungset na jallin Kumseh le Youth Department tohgon nanoija Bible Quest ana kibol ji bang in tukum 2022 in jong ***Sol-chah apat Galatian*** chan Exam ana kibollin, lolhing tah in Exam jong ana kibol chai-jin chule kipa man peh dia lom ho jong hop doh na kilom tah in ana kinei jin ahi.

Top Ten Prize ho chu:

1. Rs. 15000 + Memento
2. Rs. 10000 + Memento
3. Rs. 7000 + Memento chule top 4-10 hi Bible (Leather Cover) + Memento ahin. Hito kilhon chun anoija cheng hi tukum ma lolhin na changho ahiuve.

RANK	MIN	Roll-No	Nu/Pa Min	Khomin/Houbung	Mark
1	Nengneikim Haokip	819	Shonkthothang Haokip	S. Vengnom KBC	91
2	Nengkhotin Khongsai	3225	M.Thongkhopao	Molnom KBC	88.5
3	Jamkhopao Khongsai	18	Holthang Khongsai	L.Molnom KCC	87
4	Vahtinchan Mangte	1472		Kulbung KBC	86
5	S.Lettinkhup Haokip	2932	S. Ngakholum Haokip	S.Lhangcham KBC	85.5
6	Thangkhopao Haokip	1257	Shokthothang Haokip	K.Manbi KCBC	85
	S/Lhunkhohao Vaiphei	2703	S. Ngamlet Vaiphei	Chaljang KBC	85
7	Satgoulen Simte	2314	Lunkhokam	Haijang KBC	84
	Jangminlen Haokip	1506	Chungkhojam Haokip	S.Saheibung KBC	84

8	Jangsei Guite	2132	Ngampao Guite	Chingdai Khullen KBC	82.5
9	D.Seikhomang Haokip	061	D.P Haokip	Langol KBC	82
	Diana Lamngaiching	03	Pakang	Moreh Canan Veng NLBC	82
10	Lheineivah Hangshing	1302	Thangngul Hangshing	Mother Ch. T. Vaichong	

1. **REHABILITATION CENTER**| Building Construction

KBC Youth Department in I-gamsung ule Houbung sung'a dia kinap pi um tah tah khangthah/Khangdong mi tamtah kham natheiyin apui mang ho nung chu doh nadia ana kigong Rehab Center chu jochan a akiboipi toh kilhon in- insah na akipan in Pathen mapui najallin jokon cha ahitai. Hiche toh kilhon in Ministry jong Pathen mapui na ahile tukum February/March Iha lam teng le pat thei hidin aum tan Pathen thangvah na ipeuve. Chule Social Welfare a jong Registration akichai tai. Chule Rehab sah-chai ahina dia pohnat na nei Government Official ho le Houbung akon chule changval a pan hinla amin cheh in kipha jou hih jong le achung uvah kipa thu seijou lou Pakai min in i-phong doh uve.

KUKI CULTURAL SHOW| CBCNEI Youth Festival

Nisim 1-4 December 2022 chan a dia kigong Tura Meghalaya mun a CBNEI Youth Festival kiman na a KBC Youth Department in Kuki Cultural show khat Present aga kibol in ahi. Hiche a cultural troop ho chu KBC Gambih No.1 Youth Department mopoh na ana kipan ama hon jong lolhing tah le kilom tah in pan aga lao vin ahi.

KBC FLEX PRINTING MACHINE | GSS TL PMEGP (ISB) Schem Loan

KBC Youth lamkai masa hon akhang le aphot toh kitoh a machal-pi thei hiding ham tia Youth Department Income Generation adia Loan a ana lamdoh u KBC Flex printing Centre ahilou le M.John Flex printing Centre tia jong kihe Flex Machine chu kum nga (5) sung hi sum le pai hol nan ahin kimang in, hinlah sum lepai mu natah sang in Flex Loan sah jeng jong ana kijou tapoi, Hiche keu jong hilou vin House Rent jing jong Youth Income a apan thei tah lou jeh in boina tampi ana kitoh jing in ahi. Flex hihen



lang House Rent hijong le Income a apan thei tah lou jeh in KBC Youth Department Annual Assembly-2022 KBC C/C Kangpokpi mun na ah ipi lo a pha ham tia lunggel seikhom na lunggil tah a ana kineikhom a Annual Assembly Resolution No. 5/50/KBC/YDA/2022 a kisei lha le kiphat sah na dungjuija Flex Machine hi joh a Vehicle choh na joh a nei tah ding tia seilhah na ana kinei ah ahi. Chule Flex kikoi na Room man (House Rent) hi income a phatah a aum thei joh nadin kiphat sah na ana kinei jin hiche dungjuj jin *Nisim 13/01/2023* nikhon Flex Machine chu ana kijoh doh tan ahi. Hiche jeh chun agelthem lou ahethem lou khat le ni a dia poh nat na len tah a um ding jong katahsan in, jochan le ahi nathei chan a machal pi ding akigot vang'a kijou lou ahitah jeh le, among'a jong costumer jong alhom tan, chukit le muntin na Flex Machine jong ahung um phat in KBC a kibol pen hi koima pou vin ahin jon tapon ahi. Lamkai masan hon tha le jung lunggel tampi seng pum'a ana boi piu nao pachat nale kithang at pi na jong akinei jin ahi.



Kipa thu phon



Tuni 8.1.2023 nin Emprut chera, Tripura Mission Field mun a Pathen jallin mi nga in tahsan na Baptize ana chang un ahi.

LITERATURE & PUBLICATION

*Rev. T. Thangkhosei Haokip
Secretary, Literature & Publication, KBC*

Literature & Pub. Column

Thupi : Sunday School Teachers' Training 2023 a ding kouna.

Tohkhompi(Sunday Oja)ho, Pakai min in ngailutna Kumthah 2023 Salaam kahin peuve.

Kahin seinom chu ahileh KBC Events Calendar dungjuia ahung lhung ding Nisim 1 - 4, February, 2023 sunga hi KBC Sunday School Teachers' Training kibol ding ahitan, amun ding hi KBC Centre Church, Chavangphai, KBC No.15 mun a um ding ahitai. Chuleh tukum a hi Oja(mihil ding) ho jouse pang ding ahi.

KBC Sunday School Teachers' Training hi kum ni danseh a Lam-kai kilhen kum leh bou kineiiji ding ahijeh in tuchung a hi hiding ahin, ihin gelkhoh soh sei tei ding un hetsah na ahung kineiije. Ahideh in athah a hung pang ding ho chu thonlouva hungtei ding chu ngaichat na ahi.

Hijeh chun Pastor hon Gambih sung a Houbung thalheng ding a lom ho chu ahungtei na ding uva neihin solpeh ding uvin hetsahna le temna ahung kineiije. Chule aphot sunga kiman chah na ding chu KBC Assembly phat chule amun a jong kimu ding ahi. Hijeh chun ahung ding a lom jousen Mess Fee mikhat a Rs. 700/- leh eima ngaichat ding von lum, janpon eihin kipoh uva ihungpan ding uvin avel in Pakai min in KOUNA le hetsah na ahung kineiije.

Ikimu kah un Pathen in eiumpi jing taohen,
Kakipah e

Pakai Leng a natoh khompi,

Sd/-

Rev. T. Thangkhosei Haokip,
Secretary, Lit. & Pub. KBC



KBC GAMBIH THAH GAMBIH NO.24 LE 25 A ASSEMBLY MASAPEN LOLHINGTAH A KICHAITA

Gambih No. 24 assembly chu Gothol Baptist Church mun ah Nisim 14th Jan.2023, 7:00 Am-3:30Pm. chan in ana chelha in Amasapen GAMBIH ASSEMBLY LEH ELECTION 2023 chu lolhing-



tah in chai ahitah toh kilhon in 2023-2024 sunga lamkai dingho lhendoh ahitao ve.

1. Chairman : Pu Hemkhogin Haokip GotholB/C
2. Secretary : Pu Lamkholen Kipgen M.Tampak B/C
3. Treasurer : Pu Paokholen Kipgen P.Gelmol B/C

adang department lamkai ho jong abon in lendoh in aum in Pathen mapuina jal in lolhing tah in ana kichai tai.

Chutobang machun KBC Gambih No. 25 mun ah jong Amasapen annual Assembly 2023 Nisim 9th January 2023 nin Siden Baptist Church mun ah akhat vei chan na Gambih Assembly lolhing tah in ana chelhan ahi. Assembly convenor Pastor Jangthang Kipgen gambih pastor le Ex-officio in Pastor Haopu Doungel, Pastor centre church M Thingjaboung, panna in ana lalhon in Assembly chairman Pu Thongkholun Haokip, Chairman KBC literature in Kimanchan na ana vailhom in Assembly secretary in Pu Lunpao Haokip, Chairman KBC music committee ana pang in ahi.

Gambih No 25 hin Houbung jat 14 ahin Assembly members present 141 in lunglut tah in lamkai thah jong lhendohna ana neitaovin ahi.

Gambih thah KBC Gambih No 24 le 25 Pathen in hinmapui jing tachen.



KBC Centre Church Chassad Houbung



KBC Centre Church Chassad Houbung a sorkal natong ho ni kho akimen toh lhon a amahon mipi ankong khet a avah u nehkhom pet



January Nisim 5, 2023 nin Phalbung Baptist Church numei ni le pasal nga in Gambih pastor Pastor Thangkhomang Haokip khut a Twilut na ana nei tauvin ahi.

Tuilut thah KBC Gambih no 11.

Tahsan twilut thah CC Sangaikot gambih11 Pakai nikho 30th Decem-



ber 2022 in mi 7 in Tahsan twilut Pastor Lhunkhongam Haokip khut a ana chang tao vin ahi Pathen thangvah in um hen.

Centre Church Joujangtek

Pathen jallin tuni nikho 8th Jan. 2023 nin Centre Church Joujangtek muna Baptism Program anakinei in, Centre Church Pas-



tor Paogoumang Chongloi khut nin mi 12 in Apa Pathen Chapa Pathen chule Lhagao Theng Pathen minin Baptised a

Khopijang Baptist Church kumbul Maicham



Khopijang Baptist Church Kumthah ahi toh Ihon a, KHOPI MAICHAM, Gari maicham, Thal, Gam-leiset, Chate Exam bolding ho jouse Taopeh na Maicham semna kin ah Housaten Annkong asem un Pathen heng ah Rev. Onthang Gambih pastor in taona ana neijun ahi.

Keithelmanbi Solam Baptist Church



Nisim 8 January 2023 nikhon Keithelmanbi Solam Baptist Church in jong kumbul ahitoh kilhon in Pathen heng ah Gou thil ho jouse lhandoh na maicham Pastor Thangminlal Haokip Gambih 5 Pastor in ana neipeh in ahi.

PRAY

PLAN

ATTEND



The 12th

KUKI BAPTIST CONVENTION

PENTENNIAL

FELLOWSHIP

2023

PAST FELLOWSHIPS

- 1959 Kachinawak, Kungapal District
- 1961 Shadok, United District
- 1963 Mubet-Tungak, Kungapal District
- 1970 Mubet-Tungak, Kungapal District
- 1972 Chak, Kungapal District
- 1974 G. Sangal, Sany, Chak District
- 1976 Mubet, Kungapal District
- 1978 Kungapal District
- 1982 Kungapal District
- 1985 Lha, Sany, Kungapal District
- 2000 Tachok, Kungapal District
- 2005 BOAT, Kungapal District
- 2023 Peace Ground, Tachok, Kungapal District

DATE: 23-27 November, 2023

VENUE: Peace Ground, Tachok, Churachandpur, KBC Garo Hills, 6

THEME:

"That they may be one"

JOHN 17:11

SPECIAL ATTRACTIONS

INSPIRING MESSAGES

BIBLE STUDIES

PRaise & WORSHIP

TALENT SHOWS

CULTURAL PRESENTATIONS

FORUMS FOR MISSION & DEPARTMENTS

CHOIRS

(KBC Central Choir, KBC Garo Hills Choir, etc.)

+91 94629 19705 / +91 9862 1 07393

kbcindia@gmail.com

www.kbc.org.in

Follow and join us on



Post Regd. MNP/81
Regd. No. 18134/88



If undelivered, please return to
The Editor, KBCThuso
Kuli Baptist Convention
Opp. DM College, Imphal - 795 001
Contact: 9862631173

HOUBUNG
JOUSE
KUMIJUN
ASSEMBLY
2023
LIMHO LAIKHOLI